



12370

新鐫竹園集紀詩敘

國朝

大清

嘉慶癸亥歲先君子就選會昌訓導

以次

年甲子

抵任視事苦學舍隘無坐齋謀於署旁隙地構房屋八

書生案

九間前圍以園園廣約二畝許種竹十餘竿不數載竹

遂成林烜兄弟以時讀書其中凡與先君子過從者亦

樂於其間納履屐焉自是日月漸深繼以觴詠壁上吟

箋與翠篠綠篁交映生色先君子嘗曰竹之爲籟龍爲

棲鳳吾自揣不敢知獨茲平安之報分甘之歡別室之

寄顧若曹奉杖聽鶯呼歌燕喜得娛目前足矣而又竹

無俗交惟松蘭爲友吾與諸君子之唱酬於斯興懷於

敘

斯者臭味將無同他日彙其詩爲竹園集紀一卷付剞

劂余百歲後魂魄猶應戀此耳嘻先君子斯言但踰一

紀而遽捐館舍今忽忽又三十年此三十年中雲散星

稀歸泉壤者不知凡幾其餘亦垂垂老矣烜兄弟所成

就猶僅若是泣思棄養歷年求先君子昔所云景況邈

若風煙抑不知園之竹孫今添幾何易主人者又幾輩

安得畢政歸田之日復遊其地撫琅玕而嘆先時之手

植如此也然墓草宿而池草之夢仍萌太山頽而小山

之思徒結致觀是編而愴然動懷倘并弗克副先人遺

命授梓吾其何以酬衆德而告無罪於先人乎工既竣

爰述其顛末如右以誌吾感且慰先心  
道光辛丑四月阮烜輝謹敘

敘



二

竹園集記

劍江阻風喜遇農部盧容菴

浙

同年得句賦贈時

余新選會昌訓導晉省領憑

阮復祖

台峯安福人

驚逢故友認蘆灣  
回憶燕臺指顧間  
幾夕談心連敘舊  
一官到手強開顏  
江水天濶寒沙落  
風雨舟橫去路艱  
不是今時重首聚  
相思折柳為誰攀

阻風劍江遇台峯學博同年晤譚累日次韻言別

盧

浙容菴武寧人

金門一別幾千里  
忽忽相逢邂逅間  
風雨橫江成此會  
笑談連日有歡顏  
傳經應識儒官貴  
報

竹園集記

一

國深慙佐計艱回首嶺雲燕樹邈

會昌與嶺南近

風流何日復

追攀

章門寓中與友人話次聞桂香經久不散心竊異  
之至晚得家書知次兒烜輝業已入學走筆寄句  
為次兒勗嘉慶癸亥臘月初五日記

阮復祖

藻芹尋常事得之殊太難  
試期報幾日心顛夢為寒梅  
姿今吐豔臘酒方告歡  
如何香桂氣馥滿紛檐  
端家書來突鶻墨瀋漬  
芬蘭具言鬢牆榜汝名  
附傳看文章業千古勿以  
一矜安秋高風轉盼須振  
九霄翰年年月桂

落努力及星攢茲語爲汝勗當比石重刊

抵會昌署

阮復祖

六旬彈指浪韶華笑向湘洪事戰蝸萬仞宮牆瞻聖宇  
一庭風月屬吾家詩書澤蔭初傳葉桃李陰成待看花  
宦薄猶留泉石意青山數點正當衙

隨侍抵會敬次

家大人韻

阮燦輝

升甫

滿處春光漾霽華寄居渾似穀中蝸種餘蘭蕙羅含宅  
刷盡菁蓬伸蔚家肘後何年纏斗印眼前纔此剝苔花  
老翁一職清閒甚得句吟留到晚衙

次韻前題

阮烜輝

仲寅

竹園集記

二

斗大山城競物華茆齋認掃壁盤蝸占來楹舍無多屋  
容得床倉便是家人喜平安宜種竹園開畦町爲看花  
却嫌牆外居鄰熱隔鄰卽  
縣署早晚鳩喧吏放衙

登半山寺

阮燦輝

吾家遠住紫雲邊武功明月

兩山名

高插天遊屐歷歷幾

回蠟蒼翠光落襟袖前隨侍今認枝巢仄伏枕同卧明

山卽半山  
寺主名

側朝雲暮雨相往還日日飽看山青色青山

溟濛醉眼中脚所未及神爲空半生雖無烟霞癖有山

不尋等昏曹山下泉流通絕嶺山頭松老結寒影蕭疎

古寺落巖腰蘿壁竹扉林屋冷是時山靈喜我來巒峰

四顧晴雲開脫巾散髮窮追躡天風吹下成癡獸魯陽  
不返日三舍歸隨樵唱人欲下明朝倘憶今朝遊得味  
何如倒餐蔗

九日同台峯集飲濂溪書院卽席賦成

黃

榜雪筇九  
江人

榕陰十畝罩寒塘章貢城南草半荒千里淹留成獨客  
一年容易又重陽悲秋人是黃花瘦入世誰憐白眼狂  
我欲登高窮遠日雲山深處是吾鄉

雁拂江天帶早霜客懷何處引杯長欣從佳節逢名士  
難得秋風共此堂醉後楸枰迷黑白蠹餘苜蓿雜青黃

竹園集記

三

蘇陽夜話亭邊坐不覺沉吟月轉廊

九日邀黃雪筇明府同飲濂溪書院次韻奉答

阮復祖

昨宵雨點下銀塘今日晴開路不荒落帽風前隨令節  
策鞭城外慕蘇陽高秋未許年華競造化須容我輩狂  
章貢水流千里去白頭人共在他鄉

綠蒲紅蓼已經霜杯裏誰知日月長舉世無人結吟社  
昔年此處是書堂自傷浪跡浮鷗白且盡醇醪醉蟹黃  
隔院鐘聲催月上雙雙屣響步斜廊

過會昌訪台峯學博

暉

敬子居武  
進人

百里雷聲兩處同象湖水遠下湘洪纔來林下頻呼酒  
快到筵前已設葱千載儒官高鄭老一生俗念愧陶公  
預商此後重重過寸東無勞介語通

子居在過署中以大雲山房集見示題後

子居時宰瑞金

阮復祖

翡翠蘭苕號勝流  
瓣香誰解屬韓歐  
十年作吏稱強項  
舉世論文讓出頭  
筆挾胥濤傾瀚海  
氣凌匡阜峙清秋  
時憑宦轍供磅礴  
不獨龍門擅壯遊

送王仁圃

應麒

明府旋省

阮復祖

蔽芾棠陰待澤年  
瓜期將屆遽言旋  
祝庖暫代添華鬢  
竹園集記

四

按轡徐行拂翠烟  
約待再來兒跨竹  
篋當臨別叟輪  
錢纏綿留得春陵什  
萬手傳抄意倍牽

前題

阮烜輝

琴旁我亦侍春風  
來往殷勤各寫衷  
馬戴學成爭上座

公經學最深

龍蛇筆縱傲南宮

公書習米體

堂前德政慈稱母  
野

外歌聲醉倒翁  
今日湘隈君別去  
幾時重憇竹林中

贛郡送考呈王雲臺

棟太守

阮復祖

關樓坐鎮贛江濱  
臺古高臨八境陳  
妙語爭傳蘇老詠

德聲猶頌孔侯仁

贛郡宋時有孔太守政聲最著

望隆山嶽千層峻  
澤

布湘

會昌江名廉

萬派新通際  
荏符消息靜  
歌成五袴

叟童親

間肩試院進羣英金鏡冰壺共朗瑩五夜燭紅勤品第  
一天樞曜仰虛明晚蘭積處同薪束匣劍飛來入座驚  
拔盡單寒胥國士雙雙流讓使君清

禱帷美度仰謙尊憐我辛勤課藝繁握手重承寬大語  
銘心難稱厚高恩梅花閣冷風光麗苜蓿盤堆日影翻  
借寇願先興頌獻年年長許傍冬温

飲台峯署中

馬廷楠

春圃仁和人

共此城如斗蕭然寄老身鐸琴雖異調左右互言鄰林  
下留清意花前詠好春樽壺添不盡誰信鄭虔貧

竹園集記

五

次韻酬春圃明府

阮復祖

我本無情侶君原有事身夔龍難與友道德爲求鄰吟  
對梅花月香浮竹葉春獨憐肴餼味還是阮家貧

先一日春圃居停飲台峯司訓署中拈貧字韻爲  
賦今台峯又招余同飲順用春圃元韻作句志謝

顧

述

子明無錫人

趁此陽和候聊娛寂寞身樽方開北海波及洽西鄰  
與縣署僦屋而居余住學署西漏靜籤排夜光搖燭爛春興豪須縱飲  
風月詎嫌貧

疊韻酬顧子明上舍

阮復祖



納納乾坤大壺杯獨此身何來豪飲客與我結芳鄰  
萼韭新添味闌干舊駐春虎頭佳句唱相顧愧才貧

同子明遊半山寺

阮復祖

乘驂我欲上青天  
天青青上高無邊  
世無王喬與子晉  
挹誰之袂拍誰肩  
人生嘯傲但自適  
眺臨所及殊忻然  
何處有山何處樂  
興豪境到卽騰騫  
而况江縣寄爾我  
雙眸日日對明山  
明山半山半山寺  
寺古幽巖脫朱殷  
松響飛濤泉飛瀑  
但見雲吐百層巔  
朝來攜榼邀僧醉  
午倦欹牀看鶴眠  
鶴眠僧醉人寂寞  
叅偈我亦同枯禪  
脚力早知非昔健  
屐履懶復窮追攀  
山氣空濛日又夕  
竹園集記

六

相視兩兩別雲還  
他時會得騎白鹿  
一登絕頂問羣仙

春晴出遊飲賴

澤霖

雨甘同年家中

阮燦輝

綿雨曾幾日春暖方晴  
霽簷脊浮烟高樹杪  
搖風細柳長絲罥  
鞭梅殘香入袂際  
此清和時郊垆滌蒙  
翳命駕言出遊  
吾聊適吾意緩步  
可當車鞵鞋防急  
蹶村前大布懸  
有酒苦難貰  
谷鳥聞嚶嚶求友  
代予計賴俟迎我  
入登堂暫焉憇  
呼僮使至前洗醜  
濕巾帨命啟甕  
蟻封餉飲陳五齊  
相對兩間身况逢  
夙心契今日醉能  
勝明

日醉容繼

謝仁圃寅丈爲家大人作書

阮燦輝

先生向我高堂過一事豪舉驅硯磨買得剝藤開玉版  
縱手爲寫獅子歌獅子傳聞胎烏弋鋸牙鈎爪森霜戈  
天生神物映魁斗星光閃閃輝銀波奮吼一聲雷百里  
熊羆兕象驚降魔吁嗟乎先生之神真如獅紆蚓縮蛇  
奚足多吁嗟乎先生之書亦獅如尺幅吾寶同璠璵

仁圃寅丈惠女墨蘭一冊

阮炳輝 少台

積舍忽成圃蘭叢委路旁故人知我意遺以空谷芳冊  
本重披玩丸腕數行行疎密兼濃淡安置兩無妨視此  
女史性天然貞靜將素不東皇媚羞爲俗豔妝珍重自  
竹園集記

君手余亦謹笥藏

七

同仁圃寅丈飲春圃先生署中

阮烜輝

忙官何必不閒情共此琴堂聽管笙製錦並成賢令尹  
岸巾獨笑腐儒生風來綺席三秋爽月射晶簾萬籟清  
樽酒了無人意擾任憑衙鼓報寒更

酬升甫弟兄

王應麒

仁圃江蘇人

升甫兄弟宏詞藝西來天馬無人制大者神鋒出干莫  
次亦下筆生精銳厥翁司鐸振虔南教行湘渚人爭勦  
厥嗣秀朗趨鱣堂鄂鞞日妍暄棠棣庭前竹色碧團圞  
庭下馥盈蘭與桂丈夫藏器固有時掉頭當與風雲契

珊瑚海長七尺高鸞鶴霄冲千丈際君家學裕惠車深  
求名非徒誇科第儲爲他年

廟廊殷強項人前角豎鵞耒來住我明山側明山崩劣  
開晴霽勞君兄弟過從勤時則倒屣時擁篲晨風夕雨  
供倘祥夜深門扉猶難閉吟詩讀畫無虛日如向山陰  
脩春禊自顧我誠何人斯潦落一官同匏繫君等翩翩  
各英奇邂逅緣逢歡結締興歌無須問菀枯長林高處  
蟬聲嘒

宿七里鎮

阮復祖

宵警投雄鎮曹騰夜有聲榕陰迷古岸江勢接虔城伏  
竹園集記

八

枕灘流急傳笳驛夢驚船篷添露重起看月輪清

登鬱孤臺

阮復祖

聳出孤臺勢蒼茫一府橫山盤豪傑氣江挾雨風鳴書  
角寒秋色飛鴻訴旅情登臨聊此憇獨立暮雲平

八境臺懷古

阮復祖

一旅成師日風嚴古堞邊書生謀諫老戰士耻無前章  
貢流長在樓臺翠復連勳高自千古貝錦枉垂涎

贈莊生諷菴

阮復祖

艤棹湘隄促膝新室涵虛白澹生春傳家雅擅南華秘  
歎我常憐北阮貧指顧繭雲誇逸足蒼涼吟澤黯傷神

眼前燈坐圍爐永互訂心期誼倍真

過贛州宿吳年伯署中  
賓于 阮炳輝

飽帆直泝古流灘纜泊虔州覺夢安卅載年家情款洽  
滿腔心緒話團團春風鶯羽新梳滯宵雨雞聲遠帶寒  
知我幾人如季札縱無紵縞亦言歡

送升甫昆仲鄉試

劉企埰  
味顛武進人

勸君斗酒醉如顛爲掛雲帆放海船詞賦擅名各裁錦  
驂驅躡影不因鞭龍門路近伸多士鵬陣盤高向九天  
羨嘆友于皆振拔相期秋桂是香緣

同仲寅弟赴省鄉試蒙味顛明府以詩餞行次韻

竹園集記

九

奉答

阮燦輝

秋風日夜捲雲顛欲駕洪濤引舊船年少看人爭脫帽  
途窮慵我學播鞭浮名不斷三山夢薄恨曾縈九月天  
多謝岑羲期許厚丹臺果否有前緣

同升甫兄鄉試蒙味顛夫子餞行舟次并賜以詩

次韻賦謝

阮烜輝

雨後風掀浪欲顛勞公視我渡頭船此身待整黃瓊褐  
有志難吟祖述鞭去日人趨蓬島路夢時香引桂花天  
霓裳共舞尋常事可許孤寒問舊緣

己巳立夏日味顛夫子招劉待園  
廷珍 賴雨甘  
澤

霽  
王省堂 鎮 縣倅及余遊半山寺

阮烜輝

淡岩風飄柳絮天漫倍仙令步層巔蜂尋花落傷春去  
人試茶香認雨前面對碧松如訪舊手鋤新筍爲開筵  
酒腸寬放饒佳興似有吟情到醉邊

題少台小影

劉企塚

蘊藉儒衫玉蕩蓼桐陰覆檻坐彈琴但憑妙手匡居暇  
譜取雲山韶濩音

雙纜綠潤倩庭蕉鬢影衣香接綺寮索解豈虞同調遠  
有人林下擅風標

竹園集記

十

酬味顛先生題句

阮炳輝

閒居我亦傲羲皇箕踞科頭趁晚涼桐下風聲蕉際雨  
書琴分韻雜琅玕

倩得徐熙畫手搓先生法句又如何風流縱許他人擅  
西晉清談我輩多

清明日遊護生菴同仲寅

劉企塚

令節纔過偶杖藜梵宮閨寂枕迴溪泠泠清磬隨風度  
歷歷遙帆隔樹迷遊客耽尋埋蘚碣枯禪閒積種花泥  
石壇斜日新烟裊婉孌峯光落野蹊

次韻同味顛夫子遊護生菴

阮烜輝

纔催榆火煑羹藜蕭寺雲深踏竹溪野筍叢抽當路長  
寒花新放隔牆迷風前齋磬高依樹雨後僧鞋滑印泥  
閒許名流幽興寄爲尋禪意日成蹊

盧氏祠壁觀八大山人畫松

方

楷式亭署  
會昌令

山人畫松如畫龍尺幅肯與凡人同危崖絕巘露鱗爪

滄然雲霧千山從昨聞城南有筆蹟無雙逸品宜詩筒

儒宗堂

盧祠  
扁名

裏徑奪看粉墨一壁樓當中深山大壑入

幽窳鳴泉飛瀑相驚激方寸已具萬仞勢兩耳如到四

面風倒懸巨石險莫狀松生石上尤虛空五株九株竟

誰辨有墨無墨皆神工交柯接葉豈怒鬪盤根偃蓋仍

竹園集記

七

潛蹤散材可免楚人炬蒼髯不受秦皇封世間杖履久

屏絕此中歲月常從容我來摩挲正昏黑疑有山鬼窺

荒叢當年落筆亦偶耳至今寶護喚磨礪可知精神托

豪素英光炯炯留無窮憑闌徘徊不忍去感時讀畫悲

予衷劉郎服膺鑑湖叟非徒草書法可宗

和方式亭

楷

明府盧氏祠壁觀八大山人畫松之

作

阮復祖

山人筆與萬牛敵潑墨颼颼風雨激天陰黯淡黑雲垂

飛出蒼龍來素壁鐵幹虬枝百尺強突兀槎枒撐屋極

平生雅抱素寒心遺蹟能留大古色信有精靈聚此間

滄桑不與土花蝕式亭博古雅好奇城南曾訪盧家祠  
我讀君詩如讀畫未曾見畫先見詩衝泥不惜冒雨去  
春風吹動白接離觀圖驚倒忽大叫虛堂滃鬱生蛟螭  
一枝天矯拳雲起身入中空還掉尾一枝盤礴勢蒼橫  
舞爪張牙恣自喜或如嶽頂皮半榮鬼兵倒植驚天明  
或如黃山雲海裏高卧不受春雷驚挺若壯士橫戈出  
閒似高人載酒行端容肅立古君子傲骨偃蹇今狂生  
寒風怒捲牕紙動耳邊謾謾聞濤聲定有招威大如斗  
龍芝下結千年苓奇踪異態任橫埽毫端直摘奎星精  
十指拂拂淋漓寫磅礴山鬼生哀鳴畢宏韋偃今何有

竹園集記

三

世間俗墨誰能并我聞山人號人屋龍種由來異凡躡  
啞啞相承是克家顛狂何處堪諧俗負姿不羨大夫封  
礪柯權奇多節目貌得蒼髯自寫真幽踪冷落栖荒谷  
兵燹銷沉二百年空山誰唱白雲曲滿眼蒼涼我亦悲  
護持此後誰能續吁嗟乎夏社飄零劫火殘銅牌鹿去  
暮林寒孝陵松柏淒風斷留取丹青半壁看

台峯偕次郎仲寅北上相遇吉都餞言送別

張瓊英

鶴舫承  
豐人

憶向燕臺別相逢動十年偉君才倍健憐我鬢蒼然江  
郭梅花路關山霽雪天

朝廷需世美看挾彩雛鸞

次韻侍家大人入都酬鶴舫先生贈行之句時庚午臘月 阮烜輝

滿城風雨急聚首憶當年歌嘯非徒爾鬢眉已皓然綸會沉宦海詩但樂壺天珍重離筵句臨途助興騫

送署任學博張浩旋里

阮復祖

半載爪期僂指彈送君旌蓋又河干竹林此地稀今雨榆社何年締古歡一路灘聲連贛遠滿天煙景近秋寒臨流但問杯前事縱有青萍莫細看

觀音堂題壁

劉企塚

竹園集記

三

閒雲盤地起古刹露峯腰齊磬林巔落風旛象外招亂泉喧似雨空翠湧如潮步履經過熟逢僧話竹窠

同味顛夫子遊觀音堂次韻賦呈二首

阮烜輝

精舍重重護香泉透石腰未聞清磬響先被白雲招鶴影寒梳日松聲暗引潮塵緣須洗淨默坐對僧寮院靜人無語門對柳折腰客來催茗熟鳥散認旛招山愛晴時色溪流雨後潮衲童知幾輩抄偈伴疎寮

端陽後一日喜晴偕阮仲寅林晝屏訪劉味顛明

府同登觀音寺閣

程邦彌襄亭南城人



棕鞋苔滑未全乾不著羅衣氣尚寒回首三春如夢過  
驚心五日又杯殘怕羈冰署風情冷愛上禪樓眼界寬  
最惜名儒騷雅慣江南閑煞舊郎官

接談竟日共君歡依舊書生面目完宦味信知似雞肋

故人怕累爲豬肝味顛將同江南  
遣親屬先去湖光新綠當門擁山

色晴嵐遠縣看我嘆王陽高位置不令貢禹得彈冠

次韻襄亭招味顛明府暨林畫屏及余同遊觀音

寺閣

阮烜輝

新晴沐後路纔乾五月陂塘尙帶寒城外江樓依次去

節前風雨幾番殘穿花蜂翅尋香冷夾徑篁陰碍步寬

竹園集記

古

健羨伯倫添酒榼一身疏散是閒官

寺閣高臨半日歡陪遊姑認薄鞋完乾坤萬古同魚鳥

師友一堂傾肺肝古佛無心留我住羣山不斷耐人看

歸時切記沿河路尙有滄浪待濯冠

謝友人惠橄欖

阮炳輝

謝君投橄欖千顆滿湘筠此物產閩粵價值不爲珍豈

知君子席藉以几筵陳自從紅鹽落人人薦口唇得味

誠酸澁咀久齒含津甘口非良藥苦言乃忠臣芳名錫

諫果誰與究其真

古琴篇贈程襄亭

阮復祖

萬壑聞颼颼，瑟聲振寒木。木葉蕭蕭下，摧敗失春育。何  
來瑤琴響，煦嫗氣回軸。暖風吹羣物，震盪非我獨。似從  
昏夜時光騰，燭龍目翳彼鼓琴者。溫其人如玉，勁節凌  
蒼松。虛籟憂修竹林間，月皎朗長此發清曲。揮揮十指  
調泠泠，三尺促古桐。質本輕古調，君焉屬倏然。趣我去  
蹇音入空谷，與之一再撫雲氣潛歸麓。

台峯贈古琴篇次韻酬之

程邦弼

榜櫟閒散姿，瞻傍古松木。樹立同有心，春風荷煦育。大  
造鼓無私，元氣運迴軸。自分葑菲儕，孤芳自賞獨。何當  
爨火求，乃漫焦桐目。此如瓦礫質，珍視附珠玉。又如鐘  
竹園集記

五

呂音小不遺，絲竹用抒下。里思一和陽，春曲哀樂中年。  
傷音苦繁以促，悠然山水情。鍾期問誰屬，天籟風泉聞。  
山鳴響應谷，獨有淡蕩人。高吟震林麓。

古琴篇敬次家大人韻

阮炳輝

蜀桐老空山，不風聞響木。森挺百尺才，得地邁羣育。樵  
夫入山來，伐作車輪軸。嘆息棲鳳條，棄置乃使獨。豈知  
蔡中郎，爨餘奇所目。造作膝上琴，徽以崑岡玉。高響出  
清林，逸韻憂修竹。指下風雨起，梅落舞迴曲。脩爾愁思  
動，樹石凜寒促。商音與羽音，畢竟何者屬。悠悠縹緲想  
彷彿在巖谷，一笑破蕭寒。蒼遠淨平麓。

莊埠訪胡鶴亭談讌數日並示其子

阮復祖

君乃虔南秀栖遲濂水涯  
殫勤匡鼎壁勵業惠施車  
世寶床頭易才妍筆底花  
等身高著述過眼別瑜瑕  
氣想元龍軼書還半豹  
加鱸堂占集鶻馬帳  
豔蒙紗照朗藏胸宿功  
叅補石媧文壇端表臬  
藝苑息淫哇蘭秀羅含  
宅山連謝眺家微茫蒼  
瀑灑匝翠屏遮課後樓  
餐潦吟餘浦隱霞籬深  
連牖蟀堂迥對巢鴉  
薜綴盆梅古烟凝檻竹  
斜殺青編藁富虛白寄  
情賒緬昔卬須友驚遭  
代及爪寓踪啞霧豹別  
緒渺霜葭白社應推許  
元亭幸

竹園集記

六

有芭苔岑塵外契犀角  
眼中誇儒素同襟抱掄  
揚愧齒牙紀羣交倍篤  
枯苑境無差食任豬肝  
潤心寧駒谷遐攀稽超  
鄙俗訪戴指雲沙勝地  
探盤谷扁舟沂若耶爲  
尋松菊路時逐鷺鷥植  
林綴千枝橘塘喧兩部  
蛙欵扉勞剝啄循墾碍  
槎枒雅會追眞率芳筵  
辨咄嗟飢盤盈筍蕨漑  
釜薦鱮鮒燭曠觥籌遞  
葩傳令鼓搥落帷梁祛  
蝠掃榻壁蠲蝸午院資  
評藥宵屏聽養茶清談  
宗晉稷俚調薄皇琴學  
部消癥結經疑快抉爬  
盍簪懷互暢投轄樂逾  
奢鴻宇懸嵐影雞胞淡  
月華洋洋韶護奏長此

洗箏琶

次韻味顛賀薩雲衢

履可

秀才納姬

阮復祖

矮媚腰肢顧影斜雙華絳蠟照臆紗江南梳裹殊莊雅

碧玉何妨自小家

孫綽情人碧玉詩碧玉小家女不敢攀貴德

瓊枝檢取莫逡巡更向琴堂闢館新爛熳潘花春似錦

穠華還屬散花人

雲衢閩縣人從其師曾咸池大尹來會昌課業因未得子勸之納姬

立雪師門况味清雅宜燕玉共將迎添香五夜垂紅袖

問答無須倩墨卿

負笈從遊侶劍琴下帷攻苦滅清吟可知櫛髻書檠畔

脉脉靈犀一點心

竹園集記

七

和襄亭先生苦雨作

阮炳輝

禿鶯蹲屋鶻鳴天黑雲日墮墜城嶺望晴竟如早望雨

梅實已熟心猶懸春晚幾日霖澤降天意只爲農情憐

倒賜但須三尺足淋漓何意屢旬延堤決岸潰魚龍鬪

屋壞牆頽鶯鳴連綠簑青笠無人具何論景物呈煇妍

蕭條失意臨草閣至今五月猶瀰漫上閣坐愁田園廢

下閣亂踏市廛穿貧兒苦饑富苦濕晨無炊火夜無眠

六合陰霾將安掃新晴得句讓誰先盛世雨暘順時應

造化覆育隨物旋轉瞬曦陽天末現尋山屐備共聯翩

贈吳石華

蘭修

孝廉同年

阮烜輝

春雲重重合綠遍江上柳中有求匹鶯啼聲出谷口惆  
悵行湘隈棲遲我亦偶彈圓山城偏誰者可某某歎君  
早不至無由報瓊玖桃李方此辰邂逅言聚首粵嶺來  
幾日衣面蒙塵垢袖出羅浮雲漫滅刺盈手一城兩寓  
公良覲非易有促席連晴陰窮遊把臂肘歡敘成朋密  
僕數匝旬久相期各努力勸君飲陳醜獨此情緒縈依  
依人散後

味顛明府以明日放舟歸里余與石華邀劉春臚

對詔

胡認齋

志仁

歐陽璇源

珠

曹笏山

世球

各文

學登舟餞別又蒙招遊半山寺卽句紀之

竹園集記

式

阮炳輝

誰向劉侯問去程我隨流水送行旌臨風聽賦歸與句  
彭澤元來不爲名

偶然萍合盡翹材吳俶

謂石華

風流入座來梅笛聲中移

棹去眼前山色數重開

蒼翠嗟峨畫不加峯嵐深處孰爲遮半溪泉響和風送

一徑松陰背日斜

鳧踪飛竟上層岳放步追隨屬阮咸行向雲歸雲起處

菁騰也覺隔塵凡

衆仙陪坐擬逃禪古佛香薰裊細煙雲爾風林松韻動

無端濤起翠微巔

漫猜靈窟有樵人  
隔水喧聞犬吠狺  
不識瀑流峯斷處  
源頭誰汲石泉新

消受浮生半日閒  
棕鞵踏遍暮雲還  
唱吟只認來時路  
被濯相逢去水灣

山腰煙帶晚霞收  
隔岸遙呼載酒舟  
今日使君眉未皺  
教人指已到山遊

劉味顛明府招予同阮少台劉春臚

對詔

歐陽璇

源珠胡詼齋

志仁

曹笏山

世球

遊半山寺

吳蘭修

石華嘉  
應州人

竹園集記

九

春山一夜雨  
瑤草長  
春色招尋  
烟外鐘嵐深  
路如積松  
梢一菴靜  
松陰滿  
衣碧耳目環  
衆妙心契已忘跡  
僧茗

共清談  
散漫破繩尺  
高山流水懷  
吹入數聲笛

是日歐  
陽胡曹

三人吹笛  
三生一懽笑  
蓬萊此同席  
昨日青山主  
今日青山

客知誰  
明日來風流  
憶袞展佛堂  
打雲板  
夕陽在蘿薜

泉隨人下山  
白雲去何極

賀曾蔚巖

元炳

御琴之喜

阮炯輝

海樓

踏遍香塵春意濃  
芳開山郭賞繁穠  
桃村紅雨千家豔  
柳驛清風二月篷  
紫署房中琴在御  
綠瓊軒畔玉爲容

湘城人擁香街路  
齊報官衙錦繡重

爛熳潘花異樣新  
踏花人拜種花人  
桓家賀女乘龍貴  
鮑氏歸妻挽鹿馴  
銀燭輝搖金管吹  
羅幃彩對綺筵陳  
歡心結就承萱寢  
一曲關雎賦再頻

金闈纓絡響遲遲  
知是簫聲引鳳時  
櫳髻簪纔拂紅袖  
催粧句已寫烏絲  
鴛裁錦帳飛齊翼  
雀舞菱銅笑共眉  
况是檀郎神采俊  
新人還合讓奇姿

月朗星明爛半宵  
雙華絳蠟倚牕燒  
雪吟今日稱才妙  
蘋采他年入詠調  
卜鳳兆符公子貴  
占熊象應大人昭  
德門福集重重驗  
彩筆新抽未易描

送劉味顛旋里

阮復祖

竹園集記

三

論政虔南地循聲  
許在君棠留他日  
蔭草偃舊時薰眾  
愛滌於水歸情澹  
似雲湘陝旌映處  
兒叟望成羣  
猶憶琴堂畔過從  
幾閱春風高投轄  
屢情熟對床頻語  
別期爲促臨流意  
孰陳鏡湖歸賀乞  
游涿俯潛鱗

次韻留別台峯

劉企採

師儒無愧色宇內  
獨推君朱穆書成  
癖陽城德可薰  
鱣堂真似水玉樹  
並凌雲矯矯冲霄  
鶴軒然自不羣  
寓公嗟我拙質庶  
再經春燕幕栖難  
定豬肝潤已頻懷  
憂堪用老含意欲  
誰陳別後如相憶  
書緘六六鱗

次韻留別仲寅

劉企採

大雅今誰屬扶輪獨數君  
衣宜新柳染文合妙香薰  
鵝廡門臨水鱣堂樹拂雲  
過從踪跡密爲擬白鷗羣  
將離期後會好趁

帝城春玉署知登早元都笑訪頻  
尋詩聯騎遠話舊濁  
醪陳倘許

恩波共溟池起困鱗

次韻送味顛夫子旋里

阮烜輝

江南名士老來此號神君德政當時異循稱去後薰琴  
彈纜過雨鳥化欲盤雲草草江船小言裝鶴一羣

作官原未了歸豈戀山春業是文章貴圖成主客頻送

竹園集記

三

君千里棹出祖百壺陳翹望晴雲疊遙空蹙細鱗

二月廿四日爲味顛大令臚別今仲寅又以三月

十九日言旋作此奉懷

吳蘭修

桃花風暖試春衣鴻爪前緣憶翠微

前月同遊  
半山寺

淒絕湘

江江上筵劉郎歸後阮郎歸

寓延曠樓蒙台峯屢枉見過過則劇談抵夕賦句

志贈

張瓊英

談笑猶能却老巖古之狂本出天姿胷多奇氣偏消酒  
眼少高朋自贊詩絳帳傳經誰上座碧霄得路有諸兒  
故應日索如花笑髮許星星不染髭



十年前記向燕雲風月高歌我與君未必窮途同阮籍  
轉因下第重劉蕡相逢歎惜垂垂老最有商量各各文  
顛水夜寒樓欲月潑茶燒燭不辭勤

酬鶴舫贈句

阮復祖

深叢耀彩伏孤羸早歲羣誇出世姿壯及人驚遽辭宦  
退恬今尙未拋詩寒氊坐老青雲客壽學觴迎白髮兒  
最羨寓廬題詠富吟時時撚數莖髭

共此江城看度雲阮狂無日不思君良朋在望憑樽醉  
劇夜相須剪燭黃十載心情重敘舊一樓風雪但論文  
西歎幾人如我輩過從何嫌屣響勤

竹園集記

三

寄家書

阮炯輝

掃去鄉思已匝月快向高堂娛白髮白髮昔爲家口忙  
今日家口歸耕垡藉盤退後坐橫琴習靜安然疑禪窟  
我亦長嘯對吟蟬書竹試墨忘疲竭松桂當門供屬歡  
菊蘭滿路競叢發何來昨夜邛壑雲引我鄉夢如鶻突  
烹鯉姑勿問沉綿爲寫近情無摧掉

題少台小照

張瓊英

科頭彈琴是何佳少靚靚粲者迺與同調一曲未已相  
視而笑水山之幽亦又何求纖盞不着好風微流桐陰  
脩脩蕉響颺颺

酬鶴舫先生題句

阮炳輝

賸書數卷眠琴一張琴調甫歇書古自香蕉桐相對春  
綠秋蒼適然而合適然而忘有聲難繪有情誰將誦君  
之句韻流鏘鏘好風入座明月來牀

送張德圃

薦馨

寅友遷臨江郡博

阮復祖

湘陝聯袂十餘年今日旌旗耀彩懸畫舫人深帆落雨  
貢江春老烏啼煙敢誇龍性林中阮別寫琴心海上連  
錯訝神鋒抵干莫石腸曾已賦梅傳

綠淨春潭二月天青山爭遶絳帷邊文孫繩武誇連璧  
竹園集記

三

學侶傳薪詔選錢屢庇寒儒多曲護班崇高秩是新遷  
臨行忙煞湘洪彥只爲飯依具宿緣

欲望重逢待何年湛然心迹兩無愆角端蠻觸誰成國  
囊裏醯雞別有天廿載浮名真是幻百壺濁酒信稱賢  
暮雲南指鱸堂近歷歷郵程樟鎮邊

舊學商量願勉旃心香一瓣祝維虔石交久歎晨星數  
榆景相期社櫟全枯菀歌興情未免專鱸思動夢同牽  
從茲蕪舍分雲榭好趁寒流寄鯉箋

寄送女弟琇瑩于歸

阮炳輝

送弟于歸去感我舊時情舊情不可寫寫之淚盈盈我

年十四爾十一時逢慈竹遭雪折弟兄幾輩皆幼穉婚  
嫁無緣問家室衣須補綻裳須縫欲貸百錢猶嘍唳此  
後椿堂藉供養兒免啼饑女免寒生涯日日分鶴料老  
父計口圖蜂團一宮所得終無幾譬如火炫餘螢尾薄  
田十畝擔賸芻積屋數椽簾排葦貧家作女劇可憐布  
裙荆釵已多年今日乘車當作婦竹筍又無珠翠填贖  
前家園梅含萼雪花放出催梅著汝兄猶憶別時言輕

燕雙雙繞羅幕

余三月自家  
別弟赴會

湧金門晚眺有感示仲寅

阮啟輝 迂穉

湧金門外水如梭涼風蕭瑟捲奔波桅檣百尺搖五兩  
竹園集記

函

估客日夜權船過夕陽西下暝煙起江聲瀾瀾秋色裏  
靈祠森直青圍松古岸迷離紅催柿八境臺峙角城寒  
一天雲影墜城端城後鴉陣落遊子心感含愁酸  
人生動念思遠道身不出門情爲惱誰知旅抱風霜侵  
鄉思還憶舊林好蓼紅蘆白隔渚生菱落天涯憚路行  
來時灘險說惶恐幾日歸夢又添驚東方月輪山頭出  
且就旅館蛩啾啾爾我同是眺吟人病閒怕看波濤颯

登鬱孤臺

阮啟輝

盤螺凌絕頂氣勢亦佳哉蓬島知何處孤懷寄此臺天  
邊浮雁落江際湧濤開獨立情無極蒼茫望九垓

同歐陽璇源登慈雲檜

阮啟輝

七層檜峙贛雲堆紫氣光浮向晚催何事與君騰絕頂  
教人疑是散仙來

仲寅以明日侍 叔父回署余亦買舟旋里賦句

留別

阮啟輝

鵬鷄分飛竟各天紛從贛渚認雲煙游踪汗漫原無定  
旅景淒涼最易憐千里情同秋賞月孤燈話盡我開船  
灘聲枕畔驚人甚却勝長途放早鞭

學仙學佛事全非冷抱汀蘆一雁歸每笑馮驩歌太苦

誰言王粲嘆無依重陽轉盼風吹帽作客今宵露濕衣

竹園集記

三

幾日駝峯峯影見長吟教掩舊柴扉

贛郡送迂蔗兄還家次韻

阮烜輝

寂寞潮回浪打天贛江君又趁寒煙桐焦應有中郎顧  
綈贈寧同范叔憐險盡灘頭開去徑認來雲際泊歸船  
秋風不受客情戀共此蕭條各整鞭

漂泊萍身是也非年年旅次不成歸故山猿鶴憑君主

冷署松梅慣我依欲寫離愁寒對影重巡餞飲淚沾衣

鄰園幾日行賒解繞指朱絃向故扉

映燈次曹笏山韻

阮炯輝

寂寞寒齋照影低一燈人坐夜淒淒簾疎冷透嫦娥月

榮短閒分太乙藜十載辛勤書味在半床息偃夢情迷  
余懷耿耿君知未炤剪紗廳射院西

籠中百靈鳥歌

阮炯輝

膏自煎兮木自寇蒙叟悟談同鍼灸珍奇靈異非不佳  
負材奚如安愚陋有烏瓏玲名百靈暈毛細眼形婷娉  
春風嬌弄千萬轉析徵分宮諧耳聽時或巧作黃鸝歌  
間亦語傳紫燕訛一朝求友空林出乃爲媒孽誤嬰羅  
羅後苦鎖雕籠立刷羽明沙啄粟粒大哉滄海同茫茫  
叢矣密林安習習嗟嗟百靈爾胡不深入處宗家雞臆  
談元問生涯爾胡不高集黃巖寺念佛講臺相終始僅  
竹園集記

美

僅憑爾智慧逞機鋒欲學儀也衍也闕秦封憚犧斷尾  
何爲者斲之毀之反以遂其性而全其容

贛郡遇盧宣旬

洵聚讌數日得句賦贈

阮復祖

自君之來矣隔城猶層雲邂逅縉塵市拍手任喧紛鶴  
閑昂獨立鶯和戲作羣旅舍勤過從談笑得歡欣朝至  
頻呼酒晚去預留饋每爲情意逐看月上重夢動念感  
疇昔交締接殷勤燕臺同走馬荆舍快書裙羨君兄若  
弟博洽廣見聞妙義研羲易高論究皇墳筆下所撰著  
皆成出世文而余以荒陋亦或張吾軍及今幾廿載蘭

臭漸息薰音問澗河鯉密葉散鄉枌誰意萍重合迨此  
煮澗芹仰視排天雁字陣曷容分

酬台峯兄贈

盧洵宣旬武寧人

老鶴盤秋空皓月臨江渚雄心滿天地清光燭眉宇徙  
倚鬱孤臺惆悵默無語洪響來遠震欲鳴羞瓦甃乾坤  
蘊太和節宣在鍾呂氣息本自然權量爭絜黍而公一  
卷詩音律乃追古風雅續西京鐘鏞叩東序諷詠感忠  
良歌泣動愚營允矣百年心儒林供嚼咀惟予兩弟兄  
十載虛閉戶讀易審義周朱程輯餘緒披尋獻與文馬  
王合收聚繆想法前賢是非慎去取於古盡無裨於世  
竹園集記

毛

亦無補發篋爲公陳詎謂真吾與一倡再三歎柘枝自  
起舞藹藹草堂春發生及朽腐何以報嘉德加鞭還着  
祖何以頌高懷晚節珍韓圃明日去雙江把晤知何所  
矯首悵雲山迷離中夜雨安得共京華荆堂酌清醕宵  
雅詠嬰鳴花萼開和煦

百秋詩自序

天地間以其淒清凝肅之氣結而爲秋吾卽以其淒清凝肅之致入而爲詩吾之詩卽吾心之秋吾心之秋卽天地之秋是天地之秋與吾心合卽與吾詩合詩也者感於心也心也者動乎天也天地之秋非一人所得而私卽非吾心所得而私而吾乃以其心之勃勃欲吐者寫之於詩卽不啻取天下人之勃勃欲共語者悉於吾詩乎發之此百秋詩之所爲作也夫天地間何一非秋藏於心則不言而秋之理已備吐於詞卽百秋而猶以爲未足而吾猶以百秋名者亦約畧其詞而言之耳吟

序

一

于天得風雲月露之旨焉吟于地得山川草木之趣焉吟于人得興往情來之致焉吟于物得虫魚鳥獸之狀焉吟於境得晴雨晝夜之通焉吟於宮室得宮殿村莊之殊焉吟於音得金石絲竹之韻焉以及金戈關馬之音作則令人有立功萬里之慨怨思愁歎之音作則令人有日暮美人之感旅舍驛館之音作則令人有鬪山失路之悲其中淒惻婉轉慷慨悲壯要求其與秋相肖而無務爲抽秘騁妍之詞斯得矣若夫聞至人之休風齊天地於一指逍遙乎巖澗之間放曠乎寥廓之表雖萬感之當前總不足當其一寄是又忘其爲秋氣之逼

人也抑又何取乎百秋詩爲哉時

嘉慶十有九年甲戌九月重陽後三日台峯氏記

序



二



百秋閒詠

台峯 阮復祖

秋興

老去逢秋好天高景色寬有詩銷晚歲隨意著儒冠雨  
過殘更盡蟬聞薄暮關幾多蕭瑟意黃葉不勝寒

秋意

又是秋光暮空齋獨倚欄關山遊子老風景宦情閑身  
世逢迎拙生涯去住難蕭蕭聞落葉不語自生寒

秋懷

搖落三秋葉淒涼一笛風不知千載意今古與誰同白

百秋閒詠

髮燈前影黃花雨後叢登樓聊作賦落落恨難窮

秋別

恨惟離別耳秋至更悲窮驛路蟬聲裏河橋夕照中酸  
辛何處笛寥落此村楓古道行禾黍蕭蕭動晚風

秋怨

河北音書斷蘭閨錦字艱千愁入羌笛一夢度陽關虛  
牖風驚座空床月照顏那堪搖落意惆悵淚痕斑

秋色

秋色憑誰染青楓處處紅人行嵐翠裏雁落暮煙中雲  
淨羅紋似江澄練影同荆關憑繪取有筆畫難工

秋聲

天籟誰爲主秋聲到耳同  
荷殘初滴雨葉落正隨風  
響徹千山外吟成萬木中  
杵砧依月續渺渺意難窮

秋早

西流方伏火爽氣息炎威  
樹老蟬猶噪時來燕漸稀  
客愁千嶂雨人搗幾砧衣  
玉露從今白秋光正入闈

秋半

寥寥秋正半銀漢尙橫空  
有主難留燕來賓又逐鴻  
鷖登大田稼桂發小山叢  
旖旎江前柳猶含雨濛濛

秋暮

正是清光暮年年爽到秋  
纔驚山骨瘦頓覺水痕收  
煙度層霄淨雨過萬壑幽  
孤燈聞落葉四壁起寒愁

秋陰

慘淡陰無色天低向暮空  
高迷山疊疊遠看水濛濛  
城郭寒雲裏衣裳薄霧中  
萬千藏杳靄愁坐晚涼風

秋容

秋容原寂寞天地肅尤清  
日照桐陰淡風搖桂影明  
江澄浮練白山遠拖霞晴  
况值西成候黃雲極望平

秋曉

羣紛剛欲動鳥語到牕先  
人意鴻濛裏山容太古前天

光初蕩漾海色漸澄鮮旦氣分明在此中涵大千

秋晚

蕭蕭秋意晚獨立傍柴關流水兩三渡斜陽千萬山漁  
腔依月上樵唱帶雲還樹老寒鴉集霜楓葉漸刪

秋夜

良夜逢秋靜蕭疎得意融蛩聲三徑外月影一樓中琴  
響誰調手燈殘自寫衷那堪寥落際點點漏丁東

秋夕

天上佳期會人間乞巧迎橋成雲鵲度槎泛斗牛橫耿  
耿銀河曙盈盈玉露明雙星憐永夜多少別離情

百秋閒詠

秋社

三

社酒年年醉秋來興亦嘉歸時扶野叟宴罷集神鴉每  
動椎牢鼓猶簪落帽花登場欣盛事禾稼日交加

秋日

曉起長天淨晴添萬象呈彩隨鴻影下色耀

鳳城明暖躍龍蛇字閒聽蟋蟀聲一輪迴晚照望去是

滄瀛

秋月

一漾溶溶月秋來色倍清光連波萬頃冷浸露三更玉  
宇浮雲淨晶盤挹水盈此時規夜氣萬籟寂無聲

秋風

不識商風至安知肅殺情  
一氣憑吹拂三秋動客驚  
江冷楓林落天高雁陣橫  
簷前人寂寂金鐵夜長鳴

秋雨

一翻新雨過驟覺嫩涼生  
斜正依風勢高低下葉聲  
寒光侵戶爽濕氣透簾清  
瑟瑟蘆花渚終宵耳畔驚

秋霞

漠漠秋光外山雲欲變霞  
影隨孤鷺遠標起赤城遐  
綺狀謝公句餐還仙子家  
餘暉方欲盡似怯晚風加

秋煙

百秋閒詠

四

誰言秋有色薄暮認煙痕  
淡處和雲散濃時帶月昏  
輕霏籠遠岫綠縹繞罩前村  
望盡歸人眼回頭漫掩門

秋霜

悲秋方駟見露已結爲霜  
有月難成彩無風亦自涼  
蘆花添影白菊徑染姿黃  
平沙千萬里一夜盡鋪光

秋山

千巖秋氣肅一望鬱崔嵬  
木落憐容瘦雲飛向石開  
晴添寒黛翠暮引紫烟回  
遙識峯高絕仙真喚不來

秋原

一望平原澗蕭條在眼邊  
山隨碧天盡水與白雲連  
遠

樹朝烘日寒汀暮起煙歸來仙鶴晚蕭瑟漫俄延

秋塞

鼓角重城暮關河百戰秋黃雲屯古戍白日下高邛羽  
檄千山急征衣九月愁霜寒鵬力健壯士欲封侯

秋城

百尺城樓在登臨亦壯哉光連千雉動日射九門開粉  
堞重重固黃雲處處堆夜深層嶂月還過女牆來

秋戌

何處催烽火籌邊計策勲孤城淒落日遠戍入寒雲柝  
響連宵警笳聲向暮紛

百秋閒詠

五

時清餘戰壘天外未還軍

秋驛

宿昔長安道郵亭柳共攀秋聲連古樹寒色上征顏野  
店風霜早河橋燈火還由來名利客幾得戀青山

秋圃

秋容分老圃風味野人家淺碧留寒葉蕭疎綴晚花雨  
荒深院菊霜老半園瓜日涉還成趣烟畦路引斜

秋徑

老矣淵明徑依然松菊間淒涼迷遠岸縈曲過前山古  
道寒蕪靜遙村落照開白雲方滿地紅葉夕陽殷

秋水

遠水清無際蕭然潦盡秋接天原森森翻浪更悠悠月  
落龍鼉窟煙銷荻葦洲澄鮮浮碧淨彷彿鏡中流

秋河

天漢東南倚招搖西北生迢迢牛渚白耿耿鳳城明影  
落千門曉輝連萬戶清乘槎還可渡頓覺壯心驚

秋潮

一氣橫秋出潮來自古今長風方破浪怒雪欲吞林威  
挾蛟龍鬪光回日月沉廣陵八月勝七發動狂吟

秋渡

百秋閒詠

六

雲際鴻流影江頭楓有聲連天呼渡晚極目挂帆明岸  
遠寒雲聚波平落日橫招招舟子好隔浦柳陰清

秋塘

雨過方塘靜粼粼水亦沉天光千片徹雲影一池深草  
憶春時夢萍浮潦後霖荷衣零落甚薄暮起層陰

秋瀑

倚天千尺白噴雪一條秋疑挽銀河水懸將素練流晨  
風吹不斷夜月照難收巖澗濛濛際寒光射斗牛

秋泉

石竇潺潺瀉瀉穿林引白虹幾番新雨後一夜亂山中寒

透澄心靜鏘鳴洗耳聰遠浮紅葉出山下若爲通

秋殿

凌雲宮殿起高拱壯

皇州簾捲星河近天開紫氣浮日融仙掌露煙裊

御爐秋一夜鴛鴦瓦青霜到曉收

秋朝

笙歌在碧空日出大明宮城闕紅雲裏樓臺紫氣中新

涼疑到雨早霽怯聞風朝罷千官散人乘噴玉驄

秋直

涼生中禁裏倬直夜如何地迥塵無染天高氣漸和霜

百秋閒詠

清飛玉樹雲靄淡金波星漢連

層闕時聞鳳噉阿

秋屋

茅屋深何處時來鳥就煙簷端猶挂月漏處已通天草

徑霜餘白花欄日際妍忘機同野老聊擬鵲巢然

秋巷

貧居隔深轍頗許故交同路接鴉村外人來犬吠中牛

爭歸徑隘杏憶賣時紅不改前賢樂吾廬陋亦工

秋樓

飛翼凌雲壯人居百尺樓一聲風笛起占盡滿江秋遠

岫牕前列清波雨後流憑高吞萬象月色挂簾鉤

秋解

小邑稀公事莎廳鎮日閒西風清几席燕寢息塵顏簾  
捲青峯入琴彈皓月還更餘南省客退食擬仙班

秋齋

漠漠清齋裏神閒景亦空道書銷晝永蘭氣入秋風漏  
靜青燈徹階寒小雨濛西牕來月色灑灑此時同

秋寺

古寺聞寥寂猶餘打飯僧當門惟落葉照室有孤燈香  
散煙千縷寒侵月一稜閒遊良眷聊亦記吾曾

百秋閒詠

八

秋漏

愁聞長短漏一夜數難迷偶爾風吹斷憑他雨帶淒霜  
高依

禁永月落傍城低不寐何由旦雞聲處處啼

秋查

泛查何處是路擬入葦葭帆送人千里風來水一涯直  
凌銀漢去曾識支磯嘉若是洲前繫平江雁落沙

秋燈

一燈依漏永隻影共閒居不羨螢光昭爲爭月色舒床

頭新舊夢座上古今書甯憚吟成苦寒牕照碧虛



秋砧

何處砧聲至蕭蕭動遠林杵隨楓葉落人坐月容侵浪  
費閨中苦難爲客子吟裁衣當九月霜雪淚霑襟

秋帘

酒旆懸高照溪頭起暮烟西風殘照市細雨晚花天金  
縷歌離席紅裙舞醉筵豈惟留客住玉珮解神仙

秋簟

西風何處起枕席已生清視此寒紋淨誰堪冷氣盈淒  
涼蓮子意幽怨美人情統扇隨時棄芳裯亦待更

秋簾

百秋閨詠

十一

最愛清秋夜微風細入簾卷來千嶂雨挂上一鉤蟾靜  
鎖書帷寂閑遮繡戶潛沉沉酣晝永蝶夢得安恬

秋衫

蓮衣初落故竹袖乍生寒天送秋來早人教服葛難出  
箱香冉冉著體月團團刀尺隨長短裁成授亦歡

秋劍

巨闕誰能敵遙天白練收電光瑩水淨霜鏑決雲秋氣  
竟騰神虎鏗須射斗牛鐵英甯可掩夜夜玉龍愁

秋鏡

不識菱花影猶同白髮蒼蕭然明鏡裏何處得秋霜春

色年年改芙蓉故故光爲憐遲暮意寂寞壯心傷

秋鐘

遠韻含秋意忽聞煙外鐘前聲初斷續後響復春容夢  
被平陵曙人歸古寺重敲殘一百八片月下高峯

秋琴

大地秋聲滿朱絃韻乍沉爲傳園客意如見古人心流  
水亦爲咽元猿空自吟停彈風在樹月出夜雲深

秋瑟

瑤瑟三秋怨帝妃千載靈絃間湘水碧韻裏楚山青漱  
玉淒寒墮鳴泉傍晚汀遺音調素女夜夜月光停

百秋間詠

十

秋笛

一聲羌笛起清怨激楓林夜月孤鴻唳秋風老將心蒼  
龍吟水調白鶴唳松陰惆悵商風滿關山未易尋

秋笳

望盡長城暮愁聞遠戍笳忽驚秋葉下不斷客思還蕭  
瑟胡風勁淒涼塞月斜遙憐中夜裏吹冷落梅花

秋角

秋色黃雲斷邊愁畫角生爲催征雁起吹入早霜鷺月  
照章臺古風悲絕塞鳴一聲傷戍久回首故鄉情

秋果

果實隨時值婆娑尙滿園爲經風露老愈使翠紅繁  
映葡萄架煙寒橘柚村樽筵期汝佐勿任鳥頻喧

秋橘

滿林欣正摘秋老木奴黃金色堆盤映瓊漿遠齒香味  
含雲夢雨皮皺洞庭霜間讀離騷頌還傳禹貢芳

秋菜

不貪春韭好爲愛晚菘蒼此味經秋老宜人過口香風  
前張掾憶霜後庾郎嘗繫馬宜防逸烹葵話歲良

秋草

塞草連天白商飈動地秋空餘河畔色猶帶楚人愁割

百秋閒詠

十一

影腰前合燒痕眼裏留池塘尋舊夢春意謝芳洲

秋竹

綠徑無人掃清陰亦自團秋聲千戶動月影一牕寒枝  
勁風難折梢黃露易乾此君終不俗幽賞寄盤桓

秋桐

百尺孤桐樹飛來一葉秋時聞疎雨下點點滴深愁高  
聳龍門幹寒依玉井頭琴材悲歲晚濃影未全留

秋桂

又是秋深候亭亭桂樹融月明千里外香在萬山中密  
綴黃金粟濃遮碧玉叢天風吹不斷夜夜蘂珠宮

秋柳

短長亭畔路過客倍銷魂月照陽關早烟生灞岸昏  
涼餘病葉憔悴認斑痕何況西風夕飄搖白下門

秋松

亭亭森翠老千尺倚孤巒色染湘煙碧陰生古榦寒  
月高韻琴逸風細起濤難滿徑松花掃幽人獨自看

秋蘭

西風吹不斷蘭竟以秋芳瘦骨原藏秀瓊肌獨異常  
遙林清露冷幽谷素心香珍重騷詞意甯惟紉佩良

秋菊

百秋間詠  
最愛籬邊菊無嫌色染霜留香標晚節得氣殿秋芳  
三徑含疎冷千叢豔淡黃陶公何矯矯爲爾醉壺觴

秋荷

紅衣初落盡荷渚冷光稠無復擎雨洗空憐滴露收  
難將採蓮曲棹入蓼花洲浙瀝蒹葭意疎枝欲共愁

秋鶯

如簧憶誰語秋至幾聞鶯時過難爲巧林深偶一鳴  
花間穿有態柳際織無聲求友今云寂甘同百舌盟

秋鳥

鳥止誰家屋栖栖值夜啼樓空寒月上城倚暮煙低  
來

識齊師道淚添秦女淒爲憐風日暗忘却後羣迷  
秋雁

試看隨陽雁翩翩厲羽翰遙天浮影去薄暮趁雲寒塞  
外人千里洲前水一方慣依霜月白終夜宿盤桓

秋鵬

萬里雲盤處秋鵬勢倍豪天清雙翮健風勁九霄號練  
挂長河小聲傳碧落高試看羣鳥逸誰敢遁纖毫

秋鷹

雲飛玉立際逸氣逐秋生自信雙眸快誰知六翮輕制  
鵬稱猛健攫兔利縱橫矯矯摩天去遙空萬里清

百秋閒詠

五

秋蟲

切切誠何事乘秋訴不平三更回蝶夢四壁語燈檠應  
識詩人意難爲客子情樓頭聞婦歎長短共寒聲

秋蟬

蟬鳴時已過秋及伴吟蟲平野西風裏長亭夕照中咽  
甘晨露白愁噪晚楓紅還曳殘聲去抱枝棲亦窮

秋螢

曾因腐草出今值晚秋涼可惜囊中影祇爭籬下光風  
前人偶撲雨際爾何藏每歎熒熒質難堪月照霜

秋蝶

搖落悲芳事淒涼戀舊衙時拋長短葉採得兩三花去  
住隨人轉飄零念爾嗟明年

上林苑不改故繁華

秋旅

旅舍淒涼甚西風動客情夢回人萬里枕冷月三更四  
壁蛩吟夜千山葉落聲離魂鄉意重白髮映燈檠

秋釣

一絲擎在手牽動海波愁夜月長垂餌西風漫繫舟蘆  
花何處落蓼岸幾時收沽酒斜陽外醒來天地秋

秋漁

百秋閒詠

西

欲問家何處生涯破浪中數聲漁唱晚連碧水雲空兩  
岸寒蘆白孤帆落日紅醉盟鷗作伴吾亦信天翁

秋獵

將軍親校獵威拔渭城驚七萃雲連勢三驅

聖洽情霜凝丹楯冷日照大旗明昔讀長卿賦高華但  
擅名

秋燒

燒盡荒原暮黃雲慘不開亂山踰絕嶂正水隔前隈一  
氣疑風雨千林走電雷獸禽逸何處回首翠雲堆

秋行

今昔長安道悠悠任去還人行禾黍外愁寄暮雲間樹  
冷空棲鳥村深入亂山茫茫天地老風色上愁顏

秋望

月極郊原淨秋高一望空天開殘照外人在碧雲中古  
木方歸鳥晴霞似曳虹牛羊山徑小煙火隔深叢

秋步

行行溪路近步履亦堪怡鳥露寒無畏襟風爽自披山  
光明落日泉響入深陂茅屋人家遶時聞犬吠籬

秋稼

如雲秋稼盛時正值西成預取豐年象歡酬野老情千

百秋閒詠

五

村芒穗吐萬室稻梁盈望幸

宸輿出遙聞擊壤聲

秋穫

白雁賓秋日商風報玉秬人欣收穫急歲兆室家盈腰  
帶朝鎌濕肩擔夜月行天心勤率育

帝德總難名

秋髻

短髻含秋色霜竟上頭來潦倒年將暮飄零志已灰往  
事青雲隔餘生白髮衰何當老益壯菱鏡喜重開

秋笙

鶴駕千年後猶傳子晉笙小樓聽雨冷大海看雲橫迥  
異人間曲能空物外情吹來秋月下萬籟寂無聲

秋邨

西風梧葉下秋色老江邨瀟酒人等壑歡呼穉候門築  
場登稔稻報賽薦雞豚且喜暮塵隔更無車馬喧

秋壑

言將尋壑去路向白雲迷霾淨龍蛇絕風來樹草淒探  
巖捫石澗隔澗聽泉澌秋色烟霞在誰與寄品題

秋吟

老去名心靜秋來筆陣雄好將天地意收入錦囊中署

百秋閒詠

六

冷閒親月竹深澹受風清詩成百律猶覺興難窮



序

董子曰陽常居大夏而以發育生長爲事陰常居大冬而積於空虛不用之地然則承陽之舒而馴致乎陰之凝者其秋乎四時無心而成歲秋無心而成萬物帝典曰平秩西成洪範曰百穀用成執是說也是張平子之卽景生愁未爲曠達歐陽子之聞聲作賦徒增慘傷與易繫辭所謂說言乎兌者異矣然凡人之得氣於秋者輒不覺其憂從中來何哉意者殆人心自爲秋耳秋不困人心而生而人之心常因秋而動以人心之秋接乎天地之秋則凡風涼露白木落草黃與夫山川之潦盡

百秋詩序

一

烟凝無一非秋之所由積卽無一非其咏歎之所由寄豈獨傷行旅而索衣驚寒陟關塞而聞笳含哀已哉歲甲戌九月家君攜余登半山寺同游有劉君待園鍾君寅齋此二公者皆以年踰艾者致政歸田里居蕭閒徜徉自適時而閉戶課兒以詩書爲樂時而挈榼載酒以登覽自娛家君司訓茲土亦惟二公來往最密蓋其性致質樸與家君畧似故相得益歡斯游也晨往夕歸捫蘿吸泉幾欲呼鶴乘鹿招塵外人爲侶而不可得然其騁懷托興窮視聽於俯仰間者亦可謂欣於所遇快然自足矣明日家君以百秋吟命余錄送劉鍾二公越數

日二公各攜其所和詩來余心爲怦怦動者屢矣自揣  
禱昧頗難成章因奉家君命趣之急勉成百首其詩有  
喜有怨有悲有哀或卽物以言情或卽景以言志甚不  
欲泥乎秋而言之而言之終不離乎秋者此豈天地之  
秋爲之哉抑亦人心自有其秋而不免爲時序所推移  
與時

嘉慶甲戌年九月旣望仲寅氏記

百秋詩序

二

吟秋百律

仲寅

阮烜輝

百秋詩和 家大人作

秋吟

萬物乘秋老吟秋筆獨雄百城書擁座千斛酒澆中身  
世隨征雁生涯韻晚風詩瓢欣得句對景寫難窮

秋興

不知緣何故秋來興便佳湖光迎畫舫山色入詩脾采  
菊時時有銜杯處處皆樂天欣所遇奚事巧安排

秋意

吟秋百律

舉杯愁不斷長嘯傲人寰世事窮通外韶華指顧間登  
高誰作賦訪隱我尋閒卅載真成夢菱花試照顏

秋懷

王粲登樓望因何感遇窮月下聲聞鶴天邊目斷鴻芳  
叢懷楚芷好句冷吳楓多少幽閒趣清樽孰與同

秋別

話別江淹賦人生幾去留柳殘江畔路楓落渡頭舟曲  
誤拋琴怨歌酣弄笛愁長亭回首處冉冉暮雲收

秋思

家山縈舊夢斷感長吁顏帶寒雲慘心先塞草枯啼

知蠶作伴緘寄雁爲奴遊子今何處關情是鷓鴣

秋怨

惆悵關河路深閨怨若何月寒當戶冷雲重隔山多鵲  
鏡容爲瘦鴛針繡易訛蟲聲聽唧唧替妾訴無那

秋色

偶倚平欄望飄零徑就荒荻殘兼柳落露白又烟蒼天  
意含陰淡林容向夕涼且憑詩興在催出菊花黃

秋聲

昔有歐陽子秋聲賦感悲雁橫鴉噪處蠶老鶴寒時天  
籟三更靜人驚一葉知最憐音聲篋戍角晚城吹

吟秋百律

二

秋早

誰知梧雨滴一葉落飛飛樹暗涼嫌早池平暑乍稀塞  
鴻無信到社燕有期歸領取清秋夜人來懶掩扉

秋半

星虛翹首是今夕正宵中幾處蟾光滿千林露氣融草  
驚啼鳩早天落射鵰空猶喜銀塘畔殘荷趁晚風

秋暮

關心霜信到零謝爲悲秋水漲參差落山橫紫翠收雁  
寒迷遠浦客夢繫扁舟歸去墟烟散中情起暮愁

秋陰

晴時人已肅况值積陰空日薄重巖隱煙沉萬壑濛野  
亭殘柳外淺水敗蘆中勝得沙霾淨高橫眼不膏

秋晴

沈寥天地澗此日最宜晴水色千潭淨山光一帶平曉  
寒回雁陣夕照韻蟬聲指點羅雲外紅霞極目橫

秋曉

曙色含秋氣空晴得景鮮稻風清野際竹露滴牕前客  
已憐霜早僧猶抱日眠玉京天萬里五色

紫宸邊

秋晚

吟秋百律

三

渡口西風急柴門任啟關昏鐘來古寺遠火認層山幾  
處歸漁唱何人飯犢閒茅齋餘興在課罷送兒還

秋夜

伏枕聽寒漏吟愁寫句工鐘遲風定後砧遠月明中屋  
掩柴門黑燈挑草稿紅驟來淒雨急簷鐸亦丁東

秋夕

銀潢隨月朗簫鼓若爲迎河上雙星會橋橫七夕成恨  
從今夜洒歡到隔年生乞巧忙村婦誰知脉脉情

秋社

登場田事畢報賽典嫌除古社豚修燕叢祠鼓噪鴉縱

襦停紫線泛酒對黃花禮視春時異歡扶父老加

秋日

西陸馳羲馭晨暉萬象呈波涵川上動彩望嶺頭生楓  
醉搖朝影蟬寒咽暮聲扶桑初出處仙路指蓬瀛

秋月

最是天邊月無情更有情印來深淺水照盡短長更寒  
逼瓊樓迥斜臨竹榭清枝頭驚鵲亂繞樹尙聞聲

秋風

西風吹萬里旅舍客含情古壘飛沙急孤帆破浪行盤  
空鷹下視歸去燕南征言念寒衣少知誰淚暗傾

吟秋百律

四

秋雨

門外簷鈴語秋心百感生誰人寒夜裏坐聽小樓聲蟋  
蟀牀前訴梧桐夢裏驚頗聞禾黍熟早晚亦關情

秋雲

奇峯全削去輕淡度瑤階斜帶羅紋捲高連雁字排霞  
邊烘薄彩壑裏掃沉霾不逐涼颺散歸山意更佳

秋霞

非煙非霧處錦耀赤城霞彩麗林光映飛連鷺影遮栖  
容留隱士餐竟屬仙家餘綺沉殘照元暉句獨誇

秋煙

蓼汀煙乍起望去幾家村洞口全迷影山腰半露痕鐘  
聲和處杳月色上時昏橘浦人歸晚呼僮靜掩門

秋露

珠光明錯落露湛一庭中浸月寒初透沾衣濕漸融更  
深餘鶴警樹老咽蟬空猶憶金盤冷晶瑩照漢宮

秋霜

園林風靜後夜半隊嚴霜鴛瓦凝華薄蟾波鬪彩揚野  
蘆驚早白塞草逼初黃任冉憐予鬢年來共爾商

秋山

牕前排遠岫木落露崔嵬石骨晴難畫雲根瘦愈開寺

吟秋百律

五

寒聞梵靜谷遠認樵回遙看空蒼處天高一雁來

秋原

閒步林皋望荒原幾頃田秋風禾黍茂暮雨野墟連遠  
水浮天碧殘花向夕妍徘徊遊未倦歸意漫留延

秋塞

迢遞三關外龍庭萬里秋寒沙餘舊壘冷積半荒邱劍  
氣含霜肅笳聲帶月愁爲憐征戰苦何事覓封侯

秋城

金墉資地險望氣亦佳哉樓古笳鳴急關嚴角吹哀人  
回殘月曉烏噪亂雲堆替語征邊將須防虜騎來

秋戌

古戍防秋早功成事策勳雁歸秦塞月鶻落薊門雲刁  
斗嚴長夜山河淨遠氛羽書飛去緊何日計還軍

秋驛

驛廐何時置千蹄送曉關津亭遊子夢風月旅人顏柳  
似來曾折梅應寄未還問程知幾輩相顧淚成斑

秋村

來沽茅店酒拚醉此山邨鴉噪將棲樹牛歸自認門橋  
通江畔路荆植屋旁樊何日雞豚賽歡傾社媪樽

秋圃

吟秋百律

六

遊踪尋野圃樂事問農家徑外蔬圃棘畦邊菜落花霜  
林珍摘柚風味饜餐瓜向晚澆泉慣園丁背日斜

秋徑

蔣徑開三益周回竹石間正衝門外路斜對屋頭山松  
菊淵明老蓬蒿仲蔚閒昨宵風撼撼林葉掃紅殷

秋水

碧水澄如練詩人動遠吟雲橫秋浪影月湧大江心洲  
渚煙無際瀟湘色更深海邊潮勢旺何處倚樓臨

秋河

無邊涼夜徹絡角挂明河雲淡全橫漢風寒不起波槎



浮十里迥月照一秋多牛女年年渡殷勤問玉梭

秋濤

廣陵秋八月浩瀚捲飛濤吼地銀山湧粘天雪浪高一  
聲噓海立百尺撼江號弩射三千壯靈胥怒更豪

秋渡

楓葉蘆花裏遙聞瑟瑟聲漁歌穿石出雁陣喜沙平橋  
古飛虹直舟孤落日橫問津何處是指點暮寒生

秋塘

習池當五月涼已不勝秋况值潭中淨還添雨後幽月  
明同鏡明風定失波浮春夢頻回首西堂句好收

吟秋百律

七

秋瀑

瀑勢長空迥寥天氣欲秋龍湫奔雪噴鳥道掛泉流影  
白垂銀練光寒逼斗牛廬山高萬仞三疊望悠悠

秋泉

泠泠溪口路鑿石喜泉通萬斛空山裏一泓青壁中珠  
圓翻影落玉漱瀉聲同明月長相照寒催半夜風

秋殿

天上笙歌滿高寒壯

帝州雲開雙闕迥烟護

九重浮瑞靄生華彩嚴凝報曉秋

觚稜依夢熟紫氣駐

龍樓

秋朝

雞人呼旦早曉氣廣寒宮三殿銀河外千官玉仗中涼  
衫輕濕露香騎瘦迎風色辨趨蹌濟鐘嚴

禁籟通

秋直

曝直夜如何秋高禁漏過捲簾銀漢近倚檻月華多冷  
待朝衣護恩蒙

聖澤波明朝

吟秋百律

天語徹樂奏聽雲和

秋屋

竹外三間屋蕭寒晚際烟誅茅當月夜聽雨未霜天苔  
長階縈碧蝸栖壁篆凝莫嫌環堵隘蓬華隱高賢

秋巷

門前車轍少聞寂巷爲窮犬吠曾來客鳥啼曲處風路  
通幽徑外人在舊鄰東誰識村居意秋光處處同

秋樓

倚天舒醉眼獨自上南樓欲挽銀河落全吞碧月秋門  
排山萬疊檻俯水雙流誰解寒簫弄珠簾懶上鉤

秋解

郡廨多佳日涼時退食閒案應無牘積室喜有銘顏氣  
冷調琴潤心清看鶴還由來陸機輩參佐厠清班

秋齋

首宿齋吟寂凄清小院空牕前蕉打雨塔下菊當風燈  
燄挑疑冷菴聲夢訝通五更嫌氣蕭欹枕眼昏膏

秋寺

古寺寒山裏閒尋到老僧秋聲遲木葉佛影暗龕燈雲  
鶴迎將下風幡捲不勝石壇斜日後歸路憶來曾

秋槎

吟秋百律

九

漢使何年去星浮貫月槎至今磯畔石猶識舊津涯時  
值三秋正桴乘八月斜歸來期尙遠萬里隔流沙

秋漏

遙聞清漏轉人在禁城栖半夜佇涼月千門唱曉雞響  
依歸院徹夢引旅懷凄直待東方曙傳籤數不迷

秋燈

幾點星煒照秋間古屋居隔簾愁雨際當戶怯風餘對  
爾頻呼酒吟予靜檢書西牕勤焰剪佳景度無虛

秋砧

九月衣須授疎砧響遠林最憐清夜月千杵感秋深刀

尺闥中手關山塞外心使人腸百結無語淚盈襟

秋帘

客有游山興西風大布帘此中多美酒能使飲歡歡掛  
處紅燒葉飄來綠映檐銀瓶隨指點索值不須添

秋扇

製就扇團團擊來月共看一從秋意動誰復弄齊紈冷  
落金風急清涼玉露寒班姬愁見棄對爾寄情酸

秋簟

料得疎霜夜銀床夢未成如何冰骨瘦能耐錦藤清暑  
薄眠初冷塵香拂漸輕温存猶念爾一片舊時情

吟秋百律

十

秋簾

風吹庭院滿颯颯響湘簾隔影來宵夢關情向夜蟾花  
前涼乍捲雨後冷尤添爽氣西山挹爲君寫素練

秋帽

節告重陽近龍山落帽長製嫌菱角聳簪對菊花親冒  
絮時猶待籠紗樣正新欲憑巾幘護珍重爲風塵

秋衫

客忙出門計料理到涼衫月令纔當九天寒覺異凡羅  
裾何日解短褐舊時絨戎遠誰爲寄宵長女手摻

秋劍

干將飛電影觸手氣含秋斗倚天邊挂蛟擒浪際浮千  
金酬價善三尺懷寒流誰者悲彈鋏馮謹獨引愁

秋鏡

一輪秦鏡古閱世幾滄桑鵲彩瑩如月菱花冷勝霜照  
人寒皎皎顧我鬢蒼蒼寫出悲秋意猶然故態狂

秋鐘

落葉隨霜下豐山韻遠鐘幾聲聞斷續一枕夢疎慵月  
上更三點雲歸壑萬重夜深忙寺杵縹緲度前峯

秋琴

偶向焦桐撫中含眾籟吟憑將流水調一寫送鴻心鶴  
吟秋百律

七

唳寥天濶泉鳴巴峽深成連今不再海月夜沉沉

秋瑟

如何瑤瑟鼓窅窅憶湘靈孤曲雲中奏數峯江上青遺  
音寒柱古逸響韻泉冷毋作秋思苦淒清動耳聽

秋笛

玉笛誰家弄聲聲徹晚林遙從風月下占盡九秋心裂  
石龍吟遠迴雲鶴影深鄰家傷向秀疇好杳難尋

秋笳

遼陽十年夢獨此一聲笳日落胡風動天橫寒月斜荒  
城人鮮寐絕塞客無家哀怨含淒切征袍淚更加

秋角

放眼邊塵起鳴鳴畫角生一輪秋月落萬里塞鴻驚有  
客添孤怨何人事遠征胡笳與羌笛相應各淒清

秋果

滿庭驚果落霜老一林幽橘紫曾呼叟柑黃欲拜侯搓  
來香撲鼻咀後味酸喉客至餐須備山猿戒肆偷

秋橘

不盡洞庭霜隨時變橘黃金曾依日鑄味自飽秋嘗樹  
遠霞邊爛庭空雨後香誰題三百顆遺我薦盤芳

秋菜

強扶秋意植菜把尙餘香夜永含霜露樊低映碧蒼斷  
壺宜改圃鬪蕪乍登場况有新來種菘葵爛煮良

秋草

大地浮秋氣枯黃認遠郊霜肥屯馬健風勁落鷹捎南  
國芳猶在西堂夢轉拋自從燒野後無復認芻茭

秋竹

金飈翻影亂珠露滴光團何日成新綠惟君獨耐寒氣  
清吹作笛枝勁釣爲竿饒想過牆笱冬來待佐餐

秋桐

龍門桐竟老况值浹寥秋幾日聽疎雨爲余寫舊愁枝

容鸞鳳住葉落露霜稠但使孫根護西風任去留

秋桂

青青飄異豔桂影散寒空冷露三更裏香風十里中根盤崇嶺固幽占小山叢本是瑤林植何年下月宮

秋柳

年年離別處繫馬最傷魂况是秋風起重攀落照村章臺殘舊影灞岸動愁痕和雨和煙去寒飄白下門

秋楓

萬木奪天工空山識醉楓染霜催色老濕雨駐顏童葉落吳江冷枝搖楚岸紅停車看不厭坐愛晚來風

吟秋百律

三

秋松

梳櫛商風裹危崖鶴隱盤不知秋意老獨抱勁心寒月冷釵長蔭霜留蓋偃團可憐憔悴者葉落渺入看

秋蘭

何必生深谷家園亦挺芳三秋三徑茂一幹一華香入室迎風汎叢階待露灑靈均如解佩相賞共誰商

秋菊

孰意東籬下黃花競放園香宜簪帽襲瘦竟簇枝繁涼入三秋徑寒開九月樽高人知爾意晚節幾能存

秋荷

萬頃波光淨蒼茫到遠洲紅粧何處覓翠葢幾枝留鴛  
散難成夢漁來自泛舟漫聽採蓮曲淒絕一天秋

秋燕

每懷人作客別主爾何堪曲巷回頭顧重關去路諳簷  
疎今寂寂梁梁憶舊誦誦來歲還穿戶春風約月三

秋鷓

六翮翻身去風搏勢更豪摩空隨上下插漢任翔翺塞  
迥三秋肅天清萬丈高何人覘逸氣射手察秋毫

秋鶴

聞說青田鶴軒軒不可來如何清唳遠又逐白雲回警  
吟秋百律  
露三更冷凌霄片羽開會當籠玉洞庭養亦悠哉

秋鳥

向晚城烏起啞啞亂自啼幾聲催畫角一陣落寒聲屋  
愛誰家好林投夕照栖秋風難入聽况爾噪尤淒

秋雁

風正宜排字霜飛欲振翰影連榆塞黑聲度玉關寒街  
荻增須避圍沙月更團戍樓笳吹急對爾亦盤桓

秋鷹

雄姿兼猛氣俊捷覺身輕萬里排霄迴雙眸蹙兔驚冲  
天鞞乍脫掠地草先橫紫塞無人處秋高曠野清



秋蟲

何事蟲吟夜蛩蛩到處鳴本無愁可寫似有恨難平沙  
徑埋雲冷松棚篩月清者番縈夢薄一片盡商聲

秋蟬

古驛憑誰送蟬聲斷續中韻隨枯葉落愁噪夕陽紅高  
潔三霄露淒涼半晚風所憐行遠客爲爾感途窮

秋螢

舊時青青草今成點點螢夜深流古屋雨灑落寒檣燭  
野明連月彌天暗度星清霜將十月何處更飄零

秋蟹

吟秋百律

五

傳語江南蟹霜肥九月高登樓欲呼酒舉手更持螯臍  
別團尖異脚撐戈甲豪輪芒剛應候誰更侈備糟

秋旅

迢遞關山路蕭條旅舍情踪浮飄落葉夢斷續殘更冷  
雁三秋唳寒雞半夜聲未堪鄉意動淒絕對燈檠

秋釣

知是蕭寒緊何來水調腔有人浮露艇獨釣傍霜荻  
火烟千樹蘆篷月一牕投竿閒泄泄客在富春江

秋漁

幾聲漁唱晚遠水接長空斷浦歸帆際寒江鼓棹中鱸

穿殘柳白網曬夕陽紅沽酒前村去頽然一醉翁

秋獵

將軍獵渭城七萃上林驚馳逐人胥奮歡騰衆有情朱  
旗當日卓青鏃映霜明肅殺三邊勁射雕誰擅名

秋燒

漫蕪黃茅火斜陽縱遠燒無邊連大野有勢起炎飈散  
去煙頭迥飛來電影搖淒涼荒絕處獸鳥亦噉噉

秋穫

西風初報穫穰穰熟秋稭影割黃雲薄肩挑夕照明高  
困三百計寒杵萬千聲中有豐年頌

吟秋百律

去

皇仁未易名

